

Rebutan Timbalan Presiden

# Penyelesaian akan dapat dicari: Dr. M

IPOH, Ahad — Timbalan Perdana Menteri, Datuk Seri Dr. Mahathir Mohamad hari ini berkata satu penyelesaian ke atas masalah perebutan jawatan Timbalan Presiden UMNO oleh Tengku Razaleigh Hamzah dan Datuk Musa Hitam akan dapat dicari.

Katanya, sebagaimana disarankan oleh Encik Ghafar Baba, satu penyelesaian terhadap masalah kedua tokoh UMNO itu mesti dicari.

Datuk Seri Dr. Mahathir berkata kedua pemimpin tersebut pemimpin waras dan mereka tidak degil.

ISNIN, 15 JUN, 1981

"Mereka tentu akan terus berkhidmat untuk UMNO," kata beliau ketika mengulas kedudukan kedua tokoh UMNO tersebut di sini pagi ini sebelum berlepas ke Kuala Lumpur.

Apabila ditanya sama ada penyelesaian itu akan melibatkan satu kompromi, Datuk Seri Dr. Mahathir berkata: "Apa-apa yang mendatangkan satu penyelesaian mungkin melibatkan satu kompromi."

## Di saat terakhir

Perdana Menteri, Datuk Hussein Onn disebut-sebut mungkin mencari jalan penyelesaian antara kedua tokoh bertanding jawatan Timbalan Presiden UMNO, sebagai usaha terakhir sebelum mengundur diri

Bahan asal dari Arkib

Negara Malaysia

dari pucuk pimpinan parti itu.

Perdana Menteri merangkap Presiden UMNO dijangka akan mengambil kesempatan itu di sidang majlis tertinggi UMNO Malaysia di Kuala Lumpur hari ini atau di saat-saat terakhir menjelang perhimpunan agung parti 28 Jun ini.

Mengenai jawatan beliau sebagai Pengerusi Jawatankuasa Perhubungan UMNO Perak, Datuk Seri Dr. Mahathir berkata satu keputusan umum tidak boleh dibuat sekarang.

Katanya, keputusan itu akan dibuat apabila tiba masanya.

"Saya akan mengumumkan keputusan itu apabila tiba masanya bersama jawatankuasa yang sesuai," tambahnya.